



# UBUZIMA BWA ZANELE SITU




Navutse mu gihe cy'icyi mvukira mu muji wa Matatiele mu burasirazuba bwa Cape. Matatiela ni hafi ya Lesotho ahaba imisozi myinshi. Mu gihe cy'itumba haba hari urubura rwinshi.








Data yari umwubatsi, ni uko akagenda cyane kubera gukorera ahantu hatandukanye. Nkiri muto, twimukiye muri Lesotho ni uko aba ari naho ntangirira amashuri. Nari umwana uhora wishimye. Gusa ku myaka cumi n'umwe, ibintu byatangiye guhinduka ntangira guhora numva naniwe ndetse kugenda birananira. icyo gihe ababyeyi bange banjyanye kwa muganga ngo bamenye ikibazo mfite.



Ngeze mu bitaro, narahatinze. Nahamaze imyaka itatu!  
Nahoraga naniwe kandi ngasinzira amasaha menshi cyane.  
Nyuma y'iyi myaka itatu, abaganga bambwiye ko ntazongera  
kubasha kugenda.

Byarambabaje cyane kuko nakundaga imikino ngororamubiri.



Zanele arwaye igituntu kandi  
ntazabasha kongera kugenda.  
Azakoresha igare ubuzima bwe  
bwose.







Maze kuva mu bitaro nagiye mu ishuri ryita ku bafite ubumuga  
ahitwa Umtata. Abarimu bari abana beza ni uko bakanyitaho.  
Twahoranaga ibyo gukora. Mu mpera z'icyumweru twatunganyaga  
aho turara, tugahanagura inkweto ndetse tukoza amagare yacu.



Unaze iri cumu ryagera nko  
muri metero zingahe?



Niyemeje kugerageza umukino wo kunaga ibintu. Mbiha umwanya kandi ngakunda kwitoza. Kugira ubumuga ntibikubuza gukora ibyo ukunda. Kubera gukunda kugerageza iteka, niyandikishije mu marushanwa yagombaga kuba muri iyo minsi. Ni uko ntsindira umudari w'umuringa mu kunaga kure ibuye riremereye, ntsindira umudari w'ifeza mu kunaga disike ndetse n'umudari wa zahabu mu kunaga icumu.







Nahoraga nkora imyitozo kugirango nzamure urwego rwange.



Mu gihe cyo kuruhuka nakundaga kudoda ndi no kumva indirimbo zihimbaza Imana.


Nagiye mu marushanwa menshi ndetse ntwara imidari myinshi. Ibyo byanteye gutangira kugira inzozi zo kujya mu mikino ya Paralempike.





Imikino ya Paralempike ni nk'ya Olempike, aho abakinnyi baturutse imihanda yose ku isi bahatanira imidari ya zahabu, iy'imiringa ndetse n'iy'ifeza.


Gusa mu mikino ya Paralempike, abahatana baba babana n'ubumuga butandukanye.




Mu mwaka w'ibihumbi bibiri, natoranijwe mu bazitabira imikino ya Paralempike yari kubera i Sydney muri Australia. Bwari ubwa mbere ngiye mu ndege. icyo gihe twanyuze hejuru y'inyanja y'ubuhinde.







Nyamara ngezeyo nagize ubwoba kubera ubwinshi bw'abantu.  
Numvaga nakwisubirira iwacu. Ariko ndasenga ngo Imana imfashe.



Ngeze mu kibuga, nanaze icumu ryange maze rigwa imbere cyane y'aho ay'abandi yari yaguye. Mba nciye agahigo ku isi maze ntsindira umudari wa zahabu. Ninge mugore wa mbere w'umunyafurika watsindiye umudari wa zahabu mikino ya Paralempike. Byanteye ishema.





Nkugire inama? Niba ufite inzozi, ntuzacike intege.  
Ibi nibyo ntoza umukobwa wange Azamazi. Nawe akunda imikino  
ngororamubiri nkange.

